



揚州圖經卷二

事志二齊 魏 梁 北周 陳 隋

高帝紀建元元年六月甲申立皇子鑑為廣陵王

南齊書二

十一月癸丑魏遣假梁郡王嘉督二將出淮陰隴西公

琛督三將出廣陵河東公薛虎子督三將出壽陽奉丹

陽王劉昶入寇許昶以克復舊業世胙江南稱藩於魏

蠻酋桓誕請為前驅以誕為南征西道大都督南兖州

刺史王敬則聞魏將濟淮委鎮還建康士民驚散既而

魏竟不至上以其功臣不問

資治通鑑一百三十五

魏虜傳建元三年領軍將軍李安民左軍將軍孫文顯

與虜軍戰於淮陽大敗之初虜寇至緣淮驅畧江北居民猶懲佛狸時事皆驚走不可禁止乃於梁山置一軍南置二軍慈姥置一軍洑州置二軍三山置二軍白沙洲置一軍蔡州置五軍長蘆置三軍菰浦置二軍徐浦置一軍內外悉班階賞以示威刑

南齊書五十七

戴僧靜會稽永興人也齊高帝撫畜常在左右後於都私齋錦出事發繫南兗州獄高帝遣薛深餉僧靜酒食以刀子置魚腹中僧靜與獄吏飲酒及醉以刀刻械手自折鎖發屋而出歸高帝帝匿之齋內

李延壽南史四十六

案南齊書云僧靜於都載錦出爲歐陽戍所得繫兗

州獄歐陽戍卽水經注所稱歐陽也

武帝紀永明二年春正月乙亥以司州刺史呂安國爲南兗州刺史三月乙亥以吳興太守張岱爲南兗州刺史六月乙巳以安陸王子敬爲南兗州刺史

南齊書三

夏四月甲辰詔揚南徐南兗徐兗五州統內諸獄並部

送還臺須候克日斷枉直

同上

永明五年春正月戊子以征虜將軍晉安王子懋爲南

兗州刺史

同上

永明六年十一月庚申以西陽王子明爲南兗州刺史

同上

永明十一年七月詔曰水旱爲災實傷農稼江淮之間
倉廩旣虛遂草竊充斥互相侵奪依阻山湖成此逋逃
曲赦南兗兗豫司徐五州南豫州之歷陽譙臨江廬江
四郡三調眾逋宿債並同原除其緣淮及青冀新附僑
民復除已訖更申五年

同上

鬱林王紀隆昌元年春正月丁未以丹陽尹安陸王子
敬爲南兗州刺史

同上

海陵恭王紀延興元年九月癸未遣平西將軍王廣之
誅南兗州刺史安陸王子敬

南史
五

安陸王子敬傳高宗除諸藩王遣中護軍王元邈江州

刺史王廣之襲殺子敬

南齊書四十

蕭鸞遣王廣之襲子敬廣之至歐陽遣部將濟陰陳伯

之先驅伯之因城開獨入斬子敬

資治通鑑一百三十九

冬十月癸巳詔曰廣陵年常遞出千人以助淮戍勞擾

為煩抑亦苞苴是育今並可長停

南齊書五

辛亥皇太后令帝降封海陵王

同上

明帝紀建武元年冬十月癸亥以中護軍王元邈為南

兖州刺史

同上六

建武二年三月詔雍豫司南兖徐五州遇寇之家悉停

今年稅調其與虜交通不問往罪

同上

八月丁未以右衛將軍廬陵王寶源為南兗州刺史同上

東昏侯紀永元元年二月癸丑以北中郎將邵陵王寶

攸為南兗州刺史八月己未以征北大將軍晉安王寶

元為南徐兗二州刺史同上

九月丁未以豫州刺史裴叔業為南兗州刺史資治通鑑一百

四十

案南齊書本紀南兗州作兗州

永元二年春正月壬子以輔國將軍張冲為南兗州刺

史三月癸卯改司州刺史四月丁未除冠軍將軍復為

南兗州刺史六月戊戌以守五兵尚書陸慧曉為南兗

州刺史十一月辛丑以寧朔將軍張稷爲南兗州刺史

南齊書七

四月丁未崔慧景於廣陵舉兵襲京師

同上

崔慧景字君山清河東武城人也東昏旣誅戮將相舊臣皆盡慧景自以年宿位重轉不自安明年裴叔業以壽春降虜改授慧景平西將軍假節侍中護軍如故率軍水路征壽陽軍頓白下將發帝長圍屏除出琅邪城送之帝戎服坐城樓上召慧景單騎進圍內無一人自隨者裁交數言拜辭而去慧景旣得出甚喜子覺爲直閣將軍慧景密與期四月慧景至廣陵覺便出奔慧景

過廣陵數十里召會諸軍主曰吾荷三帝厚恩當顧托之重幼主昏狂朝廷壞亂危而不扶責在今日欲與諸君共建大功以安宗社何如眾皆響應於是回軍還廣陵司馬崔恭祖守廣陵城開門納之帝聞變以征虜將軍右衛將軍左興盛假節督京邑水陸眾軍慧景停二日便收眾濟江集京口江夏王寶元又爲內應合二鎮兵力奉寶元向京師

同上五十一

癸酉慧景棄眾走斬首五月乙丑曲赦京邑南徐兗二

州同上七

茹法珍傳崔慧景平後法珍封餘干縣男梅蟲兒封竟

陵縣男崔慧景之平曲赦都下及南充州本以宥賊黨而羣凶用事刑辟不依詔書無罪家富者不論赦令莫不受戮籍其家產與慧景深相關爲盡力而家貧者一無所問

南史七十七

齊和帝中興元年八月蕭衍遣從弟寧朔將軍景鎮廣

陵

資治通鑑一百四十四

武帝紀初義師之逼東昏遣軍主左僧慶鎮京日常僧景鎮廣陵李叔獻屯瓜步及申胄自姑孰奔歸又使屯破墩以爲聲援至是高祖遣使曉喻並率眾降乃遣從

弟寧朔將軍景鎮廣陵

姚思廉梁書一

梁武帝天監七年春正月乙亥以南兖州刺史呂僧珍

爲領軍將軍掌內外兵

資治通鑑一百四十七

按梁書作二月

八年冬十月乙巳以中軍將軍始興王憺爲鎮北將軍

南兖州刺史南兖州刺史長沙王深業爲護軍將軍

二

梁書

九年春正月乙亥以鎮北將軍南兖州刺史始興王憺

爲鎮西將軍益州刺史丙子以輕車將軍晉安王偉爲

南兖州刺史

同上

十七年二月乙卯以領石頭戍事南康王績爲南兖州

刺史

同上

普通四年三月壬寅以鎮右將軍豫章王綜爲平北將軍南兗州刺史

同上

五年春正月辛卯平北將軍南兗州刺史豫章王綜進

號鎮北將軍

同上

六年三月乙丑鎮北將軍南兗州刺史豫章王綜權頓

彭城愬督眾軍並攝徐州府事

同上

大同三年九月南兗州大饑

同上

四年八月甲辰詔南兗北徐西徐東徐青冀南北青武仁潼睢等十二州既經饑饉曲赦逋租宿責勿收今年

三調

同上

八月乙丑下詔大舉伐東魏遣南豫州刺史貞陽侯淵
明南兖州刺史南康王會理分督諸將

資治通鑑
一百六十

太清二年侯景亂北徐州刺史封山侯正表鎮鍾離上
召之入援正表託以船糧未集不進景以正表爲南兖
州刺史封南郡王正表乃於歐陽立柵以斷援軍帥眾
一萬聲言入援實欲襲廣陵密書誘廣陵令劉詢使燒
城爲應詢以告南兖州刺史南康王會理十二月會理
使詢帥步騎千人夜襲正表大破之正表走還鍾離詢
收其兵糧歸就會理與之入援

同上
一百六十一

太清三年春正月丁巳侯景濟軍於青塘襲破韋粲營
粲拒戰死二月丁未南兖州刺史南康王會理前青冀
二州刺史湘潭侯蕭邊帥江州之眾頓於蘭亭苑梁書
三
侯景以前臨江太守董紹先爲江北行臺使齎上手敕
召南兖州刺史南康王會理紹先至廣陵眾不滿二百
皆積日饑疲會理士馬甚盛僚佐說會理曰景已陷京
邑欲先除諸藩然後篡位若四方拒絕立當潰敗奈何
委全州之地以資寇手不如殺紹先發兵固守與魏連
和以待其變會理素懦卽以城授之紹先旣入眾莫敢
動會理弟通理請先還建康謂其姊曰事旣如此豈可

闔家受斃前途亦思立效但未知天命如何耳紹先悉

收廣陵文武部曲鎧仗金帛遣會理單馬還建康資治通鑑

一百六十二

武帝諸子傳通理弟又理字季英大同三年封安樂縣

侯又理慷慨慕立功名每讀書見忠臣烈士未嘗不廢

卷歎曰一生之內當無愧古人博覽多識有文才及侯

景內寇又理聚客赴南兖州隨兄會理入援及城陷又

隨會理還廣陵因入齊為質乞師行二日會景遣董紹

先據廣陵遂追獲之防嚴不得與兄相見乃偽請先還

都入辭母因謂其姊固安主曰兄若至願使善為計自

勉勿顧以爲念前途亦思立效但未知天命何如耳至都
以魏降人元貞忠正可以託孤乃以玉柄扇贈之貞
怪不受又理曰後當見憶會祖皓起兵又理奔長蘆爲
景所害元貞始悟其前言往收葬焉南史五十三

焦循案梁書無又理傳此所載又理事梁書屬之通
理錄之以備考長蘆卽儀徵之長蘆也

簡文帝紀大寶元年正月癸酉前江都令祖皓起義襲
廣陵斬賊南兗州刺史董紹先侯景自帥水步軍擊皓
二月癸未景攻陷廣陵皓等並見害梁書四

廣陵人來疑說前廣陵太守祖皓曰董紹先輕而無謀

人情不附襲而殺之此壯士之任耳今欲糾帥義勇奉戴府君若其克捷可立桓文之勲必天未悔禍猶足爲梁室忠臣皓曰此僕所願也乃相與糾合勇士得百餘人癸酉襲廣陵斬南兖州刺史董紹先據城池檄遠近推前太子舍人蕭勔爲刺史仍結東魏爲援皓暉之子勔勃之兄也乙亥景遣郭元建帥眾奄至皓嬰城固守侯景遣侯子鑿帥舟師八千自帥徒兵一萬攻廣陵三日克之執祖皓縛而射之箭徧體然後車裂以徇城中無少長皆埋之於地馳馬射而殺之以子鑿爲南兖州

刺史鎮廣陵景還建康

資治通鑑一百六十三

一

辛術傳術字懷哲武定八年侯景叛除東南道行臺尙書封江夏縣男與高岳等破侯景擒蕭明遷東徐州刺史爲淮南經畧及王僧辯破侯景術招攜安撫城鎮相繼款附前後二十餘州於是移鎮廣陵獲傳國璽送鄴文宣以璽告於太廟此璽卽秦所制方四寸上紐交盤龍其文曰受命於天旣壽永昌二漢相傳又傳魏晉懷帝敗沒於劉聰聰敗沒於石氏石氏敗晉穆帝永和中華陽太守戴僧施得之遣督護何融送於建鄴歷宋齊梁梁敗侯景得之景敗侍中趙思賢以璽投景南兗州刺史郭元建送於術故術以進焉

李百藥北齊書三十八

接東魏武定八年卽齊文宣帝天保元年梁簡文帝
大寶元年也

侯景之敗也以傳國璽自隨使其侍中兼平原太守趙
思賢掌之曰若我死宜沉於江勿令吳兒復得之思賢
自京口濟江遇盜從者棄之草間至廣陵以告郭元建
元建取之以與辛術壬申術送之至鄴資治通鑑一
百六十四

侯景傳大寶元年齊遣其將辛術圍陽平景行臺郭元

建率兵赴援術退

梁書五
十六

梁元帝承聖元年南兖州刺史郭元建秦郡戍主郭正
買陽平戍主魯伯和行南徐州事郭子仲並據城降王

僧辯遣陳霸先將兵向廣陵受郭元建等降又遣使者往安慰之諸將多私使別索馬仗會王偉侯子鑒度江至廣陵謂元建等曰我曹梁之深讐何顏復見其主不若投北可得還鄉遂皆降齊霸先至歐陽齊行臺辛術已據廣陵王偉與侯子鑒相失直瀆戍主黃公喜獲之

送建康

資治通鑑一百六十四

高祖紀大寶三年三月景至闕下不敢入臺遣腹心取其二子而遁高祖率眾出廣陵應接會景將郭元建奔齊高祖納其部曲三千人而還僧辯敗高祖鎮京口七月廣陵僑民朱盛張象潛結兵襲齊刺史溫仲邕遣使

來告高祖率眾濟江以應之會齊人來聘求割廣陵之地王僧辯許焉仍報高祖高祖於是引軍還南徐州

姚思

廉陳

書一

杜崩傳齊將郭元建攻秦州刺史嚴超遠於秦郡王僧辯令崩赴援陳霸先亦自歐陽來會與元建大戰於士林霸先令彊弩射元建眾却崩因縱兵擊大破之斬首萬餘級生擒千餘人元建收餘眾而遁

梁書四十六

秋七月廣陵僑人朱盛等潛聚黨數千人謀襲殺齊刺史溫仲邕遣使求援於陳霸先云已克其外城霸先使告僧辯僧辯曰人之情偽未易可測若審克外城亟須

應援如其不爾無煩進軍使未報霸先已濟江僧辯乃命武州刺史杜蒨等助之會盛等謀泄霸先因進軍圍廣陵齊主使告王僧辯陳霸先曰請釋廣陵之圍必歸廣陵歷陽兩城霸先引兵還京口江北之民從霸先濟江者萬餘口

資治通鑑一百六十四

叱列平傳天保三年與諸將南討江淮克陽平郡陳人攻圍廣陵詔平統河南諸軍赴援陳人退乃還

北齊書二十

元帝紀承聖三年春正月安東開府儀同三司陳霸先率衆攻廣陵城秦州刺史嚴超達自秦郡圍涇州侯瑱張彪出石梁爲其聲援六月壬午魏復遣將步六汗薩

率眾救涇州

梁書五

段榮傳子韶天保三年爲冀州刺史六州大都督四年十二月梁將東方白額潛至宿預招誘邊民殺害長吏五年二月詔韶討之既至會梁將嚴超達等軍逼涇州又陳武帝率眾將攻廣陵刺史王敬寶遣使告急復有尹思令率眾萬餘人謀襲盱眙三軍咸懼韶謂諸將曰自梁氏喪亂國無定主人懷去就強者從之霸先等智小謀大政令未一外託同德內有離心諸君不足憂吾揣之熟矣乃留儀同敬顯儁堯雄等圍守宿預自將步騎數千人倍道赴涇州塗出盱眙思令不虞大軍卒至

望旗奔北進與超達合戰大破之盡獲其舟艦器械謂
諸將士曰吳人輕躁本無大謀今破超達霸先必走卽
廻赴廣陵陳武帝果遁去追至揚子柵望揚州城乃還
大獲其軍資器物旋師宿預北齊書十六

王則傳則弟敬寶少歷顯位後為東廣州刺史與蕭軌
等攻建業不見尅沒焉同上二十

高祖紀永定二年春正月乙未南兗州刺史吳明徹進
號安南將軍陳書二

文帝紀天嘉二年夏四月庚寅以安左將軍魯悉達為

安南將軍吳州刺史同上三

宣帝紀太建五年夏四月癸卯前巴州刺史魯廣達克齊大岷城辛亥吳明徹克秦州水柵庚申齊遣兵十萬援歷陽儀同黃法氈破之辛酉齊軍救秦州吳明徹又破之癸亥詔北伐眾軍所殺齊兵並令埋掩甲子南譙太守徐勣克石梁城五月己巳石梁城降癸酉陽平郡城降辛巳詔征南大將軍開府儀同三司南豫州刺史黃法氈徙鎮歷陽齊改縣爲郡者並復之癸巳瓜步胡墅二城降六月吳明徹師次仁州七月乙丑鎮前將軍開府儀同三司吳明徹進號征北大將軍八月壬子戎昭將軍徐敬辨克海安城戊午平固侯陳敬泰等克晉

州城九月甲子陽平城降

同上五

徐度傳度子敬成太建四年襲爵湘東郡公授太子右衛率五年除貞威將軍吳興太守隨都督吳明徹北討出秦郡別遣敬成爲都督乘金翅自歐陽引埭上沂江由廣陵齊人皆城守弗敢出

同上十二

周羅暎傳陳宣帝時以軍功授開遠將軍句容令後從大都督吳明徹與齊師戰於江陽爲流矢中其左目

長孫

無忌等隋書六十五

太建六年春正月壬戌朔詔曰王者以四海爲家萬姓爲子一物乖方夕惕猶厲六合未混盱食彌憂朕嗣纂

鴻基思宏經畧上符景宿下叶人謀命將興師大拯淪
溺灰琯未周凱捷相繼拓地數千連城將百蠢彼餘黎
毒茲異境江淮年少猶有剽掠鄉閭無賴摘出陰私將
帥軍人罔顧刑典今使苛法蠲除仁聲載路且肇元告
慶邊服來荒始覩皇風宜覃曲澤可赦江右淮北南司
定霍光建朔合豫北徐仁北充青冀南譙南兗十五州
士民罪無輕重悉皆原宥

陳書
三

甲申廣陵金城降

同上

夏四月辛丑詔曰戢情懷善有國之令圖拯弊救危聖
範之通訓近命師簿伐義在濟民青齊舊隸膠光部落

久患凶戎爭歸有道棄彼農桑忘其衣食而大軍未接
中途止憩胸山黃郭車營布滿扶老攜幼蓬流草跋既
喪其本業咸事游手饑饉疾疫不免流離可遣大使精
加慰撫仍出陽平倉穀拯其懸磬並充糧種勸課士女
隨近耕種石鼈等屯適意修懇同上

太建七年三年辛未詔豫二充譙徐合霍南司定九州

置雲旗義士往大軍及諸鎮備防同上

太建八年秋八月丁卯以車騎大將軍司空吳明徹爲

南兖州刺史同上

太建九年冬十月上聞周人滅齊欲爭徐充詔南兖州

刺史司空吳明徹督諸軍伐之以其世子戎昭將軍惠

覺攝行州事

資治通鑑一百七十三

梁士彥傳周宣帝即位除東南道行臺與烏丸軌擒陳

將吳明徹裴忌於呂梁別破廣陵畧定淮南地

隋書四十

太建十年三月丁酉以中軍大將軍開府儀同三司護

軍將軍淳于量爲南兗州刺史進號車騎將軍

陳書五

宣帝紀大象元年以韋孝寬爲行軍元帥率行軍總管

杞國公亮邲國公梁士彥以伐陳十一月韋孝寬拔壽

陽杞國公亮拔黃城梁士彥拔廣陵陳人退走於是江

北盡平

令狐德棻北周書七

十一月戊戌周軍進圍壽陽辛丑以車騎將軍開府儀
同三司南兖州刺史淳于量爲上流水軍都督前豐州
刺史臯文奏率步騎三千趣陽平郡十二月乙丑南北
兖晉三州並自拔還京師

陳書
五

太建十二年八月遣通直散騎常侍超武將軍陳慧紀
爲前軍都督趣南兖州九月己酉周廣陵義主曹藥率
眾入附

同上

尉遲迥招徐州總管源雄東郡守于仲文皆不從雄賀
之曾孫仲文謹之孫也廣州刺史于顛仲文之兄也與
總管趙文表不協詐得心疾誘文表手殺之因唱言文

表與尉遲迥通謀楊堅以迥未平因勞勉之即拜吳州

總管資治通鑑一百七十四

陳紀蕭摩訶攻廣陵周吳州總管于顛擊破之同上

高祖紀周大象二年廣陵人杜喬生聚眾反刺史元義

討平之隋書一

太建十三年三月戊子以上開府儀同三司賀若弼為

吳州總管鎮廣陵資治通鑑一百七十五

陳長城公禎明二年冬十月己未隋置淮南行省於壽

春甲子隋以出師有事於太廟命晉王廣秦王俊清河

公楊素皆為行軍元帥廣出六合俊出襄陽素出永安

荊州刺史劉仁恩出江陵蘄州刺史王世積出蘄春廬
州總管韓擒虎出廬州吳州總管賀若弼出廣陵青州
總管弘農燕榮出東海凡總管九十兵五十一萬八千
皆受晉王節度同上一百七十六

後主紀禎明二年十一月隋遣晉王廣眾軍來伐自巴
蜀沔漢下流至廣陵數十道俱入緣江鎮戍相繼奏聞

陳書

六

煬帝紀開皇八年江南高智慧等相聚作亂徙上爲揚
州總管鎮江都每歲一朝李延壽北史十二

禎明三年春正月乙丑隋總管賀若弼自北道廣陵濟

京口

陳書六

隋文帝開皇九年春正月乙丑朔賀若弼自廣陵引兵濟江先是弼以老馬多買陳船而匿之買弊舩五六十艘置於瀆內陳人覘之以爲內國無船弼又請緣江防人每交代之際必集廣陵於是大列旗幟營幕被野陳人以爲隋兵大至急發兵爲備旣知防人交代其眾復散後以爲常不復設備又使兵緣江時獵人馬喧譟故弼之濟江陳人不覺

資治通鑑一百七十七

以秦王俊爲揚州總管四十四州諸軍事鎮廣陵

同上

開皇十年以并州總管晉王廣爲揚州總管鎮廣陵復

以秦王俊爲并州總管

同上

張衡傳衡字建平幼懷志向有骨梗風隋文帝受禪拜
司門侍郎及晉王廣轉牧揚州衡復爲椽王甚親任之
衡亦竭慮盡誠奪宗之計多衡所建遷揚州總管司馬

北史七

十四

開皇十二年九月丁未以工部尙書楊昇爲吳州總管

隋書

二

開皇二十年春正月癸亥以代州總管宇文弼爲吳州

總管

同上

仁壽元年三月壬辰以豫章王暕爲揚州總管

同上

齊王暕傳暕字世朏長涉經史尤工騎射仁壽中拜揚

州總管江淮以南諸軍事

北史七十一

煬帝紀大業元年三月戊申詔曰聽採輿頌謀及庶民故能審政刑之得失是知昧旦思治欲使幽枉必達彝倫有章而牧宰任稱朝委苟爲徼幸以求考課虛立殿最不存治實綱紀於是弗理冤屈所以莫申關河重阻無由自達朕故建立東京躬親存問今將巡歷淮海觀省風俗眷求讜言徒繁詞翰而鄉校之內闕爾無聞恇然夕惕用忘興寢其民下有知州縣官人政治苛刻侵害百姓背公徇私不便於民者宜聽詣朝堂封奏庶乎

四總以達天下無寃辛亥發河南諸郡男女百餘萬開
通濟渠自西苑引穀洛水達於河自板渚引河通於淮
庚申遣黃門侍郎王宏上儀同于士澄往江南採木造
龍舟鳳舳黃龍赤艦樓船等數萬艘八月壬寅上御龍
舟幸江都以左武衛大將軍郭衍爲前軍右武衛大將
軍李景爲後軍文武官五品已上給樓船九品已上給
黃篋舳艫相接二百餘里冬十月己丑赦江淮已南揚
州給復五年舊總管內給復三年二年三月庚午車駕
發江都

隋書
三

三月自大梁之東引汴水入泗達於淮又發淮南民十

餘萬開邗溝自山陽至揚子入江渠廣四十步渠旁皆築御道樹以柳自長安至江都置離宮四十餘所庚申遣黃門侍郎王弘等往江南造龍舟及雜船數萬艘東京官吏督役嚴急役丁死者什四五

資治通鑑一百八十

八月壬寅上行幸江都發顯仁宮王弘遣龍舟奉迎乙巳上御小朱航自漕渠出洛口御龍舟龍舟四重高四十五尺長二百尺上重有正殿內殿東西朝堂中二重有百二十房皆飾以金玉下重內侍處之皇后乘翔螭舟制度差小而裝飾無異別有浮景九艘三重皆水殿也又有漾彩朱鳥蒼螭白虎元武飛羽青鳧陵波五樓

道場元壇板鹵黃蔑等數千艘後宮諸王公主百官僧
尼道士蕃客乘之及載內外百司供奉之物共用挽船
士八萬餘人其挽漾彩以上者九千餘人謂之殿脚皆
以錦彩爲袍又有平乘青龍濛幢艚舩入櫂艇舸等數
千艘並十二衛兵乘之並載兵器帳幕兵士自引不給
夫舳艫相接二百餘里照耀川陸騎兵翅兩岸而行旌
旗蔽野所過州縣五百里內皆令獻食多者一州至百
輦極水陸珍奇後宮厭飫將發之際多棄埋之同上
大業二年二月以開府儀同三司何稠爲太府少卿使
之營造送江都稠袞冕畫日月星辰皮弁用漆紗爲之

又作黃麾三萬六千人仗及輅輦車輿皇后鹵簿百官
儀服務爲華盛以稱上意課州縣送羽毛民求捕之網
羅被水陸禽獸有堪警眊之用者殆無遺類烏程有高
樹踰百尺旁無附枝上有鶴巢民欲取之不可上乃伐
其根鶴恐殺其子自拔警毛投於地時人或稱以爲瑞
所役工十萬餘人用金銀錢帛鉅億計三月庚午上發

江都

同上

大業六年三月癸亥幸江都宮夏六月甲寅制江都太

守秩同京尹

隋書
三

初帝欲大營汾陽宮令御史大夫張衡具圖奏之衡乘

間進諫帝甚不平後目衡謂侍臣曰張衡自謂由其計
畫令我有天下也乃錄齊王暕攜皇甫詡從駕及前幸
涿郡祠恆岳父老謁見者衣冠多不整遣衡以憲司不
能舉正出爲榆林太守久之衡督役築樓煩城因帝巡
幸得謁帝帝惡衡不損瘦以爲不念咎謂衡曰公甚肥
澤宜且還郡復遣之榆林未幾敕衡督役江都宮禮部
尚書楊元感使至江都衡謂元感曰薛道衡眞爲枉死
元感奏之江都郡丞王世充又奏衡頽減頓具帝怒鎖
詣江都市將斬之久乃得釋除名爲民以王世充領江
都宮監世充性譎詐有口辯帝數幸江都世充能伺候

顏色爲阿諛雕飾池臺奏獻珍物由是有寵

資治通鑑一百八十

大業七年二月己未上升釣臺臨揚子津大宴百寮頒賜各有差乙亥上自江都御龍舟入通濟渠遂幸涿郡

隋書

三

大業九年吳郡朱爕晉陵管崇聚眾寇掠江左民苦役者赴之如歸自言有王者相故羣盜相與奉之時帝在涿郡命虎牙郎將趙六兒將兵萬人屯揚子分爲五營以備南賊崇遣其將陸顓度江夜襲六兒破其兩營收

其器械軍資而去

資治通鑑一百八十二

章邱杜伏威與臨濟輔公祐爲刎頸交俱亡命爲羣盜
伏威年十六每出則居前入則殿後由是其徒推以爲
帥下邳苗海潮亦聚眾爲盜伏威使公祐謂之海潮懼
卽帥其眾降伏威轉掠淮南自稱將軍江都留守遣校
尉宋顥討之伏威與戰陽爲不勝引顥眾入葭葦中因
從上風縱火顥眾皆燒死海陵賊帥趙破陳以伏威兵
少輕之召與並力伏威使公祐嚴兵居外自與左右十
人齎牛酒入謁於座殺破陳併其眾

同上

趙王杲傳杲字季子大業九年封趙王尋授光祿大夫

歷河南尹行江都太守

北史七十一

大業十年十二月庚寅賊帥孟讓眾十餘萬據都梁宮
遣江都郡丞王世充擊破之盡虜其眾

隋書四

大業十一年楊元感之亂龍舟水殿皆爲所焚詔江都

更造凡數千艘制度仍大於舊者

資治通鑑一百八十二

冬十月壬申東海賊帥李子通擁眾度淮自號楚王建

元明政寇江都

隋書四

東海李子通有勇力先依長白山賊帥左才相羣盜皆
殘忍而子通獨寬仁由是入多歸之未半歲有眾萬人
才相忌之子通引去度淮與杜伏威合伏威選軍中壯
士養爲假子凡三十餘人濟陰王雄誕臨濟闕稜爲之

寇旣而李子通謀殺伏威遣兵襲之伏威被重創墜馬
雄誕負之逃葭葦中收散兵復振將軍來整擊伏威破
之其將西門君儀之妻王氏勇而多力負伏威以逃雄
誕帥壯士十餘人衛之與隋兵力戰由是得免來整又
擊李子通破之子通帥其餘眾奔海陵復收兵得二萬

人自稱將軍

資治通鑑一
百八十二

大業十二年七月甲子幸江都宮九月丁酉東海人杜
伏威揚州沈覓敵等作亂眾至數萬右禦衛將軍陳稜
擊破之

隋書
四

江都新作龍舟成送東都宇文述勸幸江都帝以詩留

別官人曰我夢江都好征遼亦偶然是時李子通據海陵左才相掠淮北杜伏威屯六合眾各數萬帝遣光祿大夫陳稜將宿衛精兵八千討之往往克捷

資治通鑑一百八十三

帝至江都郡官謁見者專問禮餉豐薄豐則超遷丞守薄則率從停解江都郡丞王世充獻銅鏡屏風遷通守歷陽郡丞趙元楷獻異味遷江都郡丞由是郡縣競務刻剝以充貢獻民外爲盜賊所掠內爲郡縣所賦生計無遺加之饑饉無食民始采樹皮葉或擣藁爲末或者煮土而食之諸物皆盡乃自相食而官食猶充牣吏皆畏

法莫敢振救王世充密爲帝簡閱江淮民間美女獻之
由是益有寵同上

隋恭帝義寧元年春正月右禦衛將軍陳稜討杜伏威
伏威帥眾拒之稜閉壁不戰伏威遣以婦人之服謂之
陳姥稜怒出戰伏威奮擊大破之稜僅以身免伏威乘
勝破高郵引兵據歷陽自稱總管以輔公祐爲長史分
遣諸將徇屬縣所至輒下江淮間小盜爭附之同上

按恭帝義寧元年卽煬帝大業十三年也

大業十三年九月己丑帝括江都人女寡婦以配從兵

隋書
四

驍果從煬帝在江都者多逃去帝患之以問裴矩對曰
人情非有匹偶難以久處請聽軍士於此納室帝從之
九月悉召江都境內寡婦處女集宮下恣將士所取或
先與姦者聽自首卽以配之

資治通鑑一
百八十四

義寧二年三月右屯衛將軍宇文化及武賁郎將司馬
德戡元禮監門直閣裴虔通將作少監宇文智及武勇
郎將趙行樞鷹揚郎將孟景內史舍人元敏符璽郎李
覆牛方裕千牛左右李孝本弟孝質直長許宏仁薛世
良城門郎唐奉義醫正張愷等以驍果作亂入犯宮闈
上崩於溫室時年五十蕭后令宮人撤牀簀爲棺以埋

之化及發後右禦衛將軍陳稜奉梓宮於成象殿葬吳公臺下發斂之始容貌若生眾咸異之大唐平江南之後改葬雷塘

隋書四

恭帝紀義寧二年三月丙辰右屯衛將軍宇文化及殺太上皇於江都宮右禦衛將軍獨孤盛死之齊王暕趙王杲燕王倓光祿大夫開府儀同三司行右翊衛大將軍宇文協金紫光祿大夫內史侍郎虞世基銀青光祿大夫御史大夫裴蘊通議大夫行給事郎許善心皆遇害化及立秦王浩爲帝自稱大丞相朝士文武皆受其官爵光祿大夫宿公麥才折衝郎將朝議大夫沈光同

謀討賊夜襲化及營反為所害

同上五

唐高祖武德元年隋煬帝至江都荒淫益甚宮中為百餘房各盛供張實以美人日令一房為主人江都郡丞趙元楷掌供酒饌帝與蕭后及幸姬歷就宴飲酒卮不離口從姬千餘人亦常醉然帝見天下危亂意亦擾擾不自安退朝則幅巾短衣策杖步遊徧歷臺館非夜不止汲汲顧景惟恐不足帝自曉占候卜相好為吳語常夜置酒仰視天文謂蕭后曰外間大有人圖儂然儂不失為長城公卿不失為沈后且共樂飲耳因引滿沉醉又嘗引鏡自照顧謂蕭后曰好頭頸誰當斫之后驚問

故帝笑曰貴賤苦樂更迭爲之亦復何傷帝見中原已亂無心北歸欲都丹陽保據江東命羣臣廷議之內史侍郎虞世基皆以爲善右候衛大將軍李才極陳不可請車駕還長安與世基忿爭而出門下錄事衡水李桐客曰江東卑濕土地險狹內奉萬乘外給三軍民不堪命亦恐終散亂耳御史劾桐客謗毀朝政於是公卿皆阿意言江東之民望幸已久陛下過江撫而臨之此大禹之事也乃命治丹陽宮將徙都之時江都糧盡從駕騷果多關中人久客思鄉里見帝無西意多謀叛歸郎將竇賢遂帥所部西走帝遣騎追斬之而亡者猶不止

帝患之虎賁郎將扶風司馬德戡素有寵於帝帝使領
驍果屯於東城德戡與所善虎賁郎將元禮直閣裴虔
通謀曰今驍果人人欲亡我欲言之恐先事受誅不言
於後事發亦不免族滅奈何又聞關內淪沒李孝常以
華陰叛上囚其二弟欲殺之我輩家屬皆在西能無此
慮乎二人皆懼曰然則計將安出德戡曰驍果若亡不
若與之俱去二人皆曰善因轉相招引內史舍人元敏
虎牙郎將趙行樞鷹揚郎將孟秉符璽郎李覆牛方裕
直長許宏仁薛世良城門郎唐奉義醫正張愷勳侍楊
士覽等皆與之同謀日夜相結約於廣座明論叛計無

所畏避有宮人白蕭后曰外間人人欲反后曰任汝奏之宮人言於帝帝大怒以爲非所宜言斬之其後宮人復白后后曰天下事一朝至此無可救者何用言之徒令帝憂耳自是無復言者趙行樞與將作少監宇文智及素厚楊士覽智及之甥也二人以謀告智及智及大喜德戡等期以三月望日結黨西遁智及曰主上雖無道威令尙行卿等亡去正如竇賢取死耳今天實喪隋英雄並起同心叛者已數萬人因行大事此帝王之業也德戡等然之行樞薛世良請以智及兄右屯衛將軍許公化及爲主結約既定乃告化及化及性驚怯聞之

變色流汗旣而從之德戡使許宏仁張愷入備身府告所識者云陛下聞驍果欲叛多醞毒酒欲因享會盡鴆殺之獨與南人留此驍果皆懼轉相告語反謀益急乙卯德戡悉召驍果軍吏諭以所爲皆曰惟將軍命是日風霾晝昏晡後德戡盜御廐馬潛厲兵及是夕元禮裴虔通直閣下專主殿內唐奉義主閉城門與虔通相知諸門皆不下鍵至三更德戡於東城集兵得數萬人舉火與城外相應帝望見火且聞諠囂問何事虔通對曰草坊失火外人共救之耳時內外隔絕帝以爲然智及與孟秉於城外集千餘人劫候衛虎賁馮普樂布兵分

守衢巷燕王倓覺有變夜穿芳林門側水竇而入至元武門詭奏曰臣猝中風命懸俄頃請得面辭裴虔通等不以聞執囚之丙辰天未明德黻授虔通兵以代諸門衛士虔通自門將數百騎至成象殿宿衛者傳呼有賊虔通乃還閉諸門獨開東門驅殿內宿衛者令出皆投仗而走右屯衛將軍獨孤盛謂虔通曰何物兵勢太異虔通曰事勢已然不預將軍事將軍慎毋動盛大罵曰老賊是何物語不及被甲與左右十餘人拒戰爲亂兵所殺盛楷之弟也千牛獨孤開遠帥殿內兵數百人詣元覽門叩閣請曰兵仗尙全猶堪破賊陛下若出臨戰

人情自定不然禍今至矣竟無應者軍士稍散賊執開遠義而釋之先是帝選驍健官奴數百人置元武門謂之給使以備非常待遇優厚至以官人賜之司官魏氏爲帝所信化及等結之使爲內應是日魏氏僞詔悉聽給使出外倉猝際制無一人在者德戡等引兵自元武門入帝聞亂易服逃於西閤虔通與元禮進兵排左閤魏氏啟之遂入永巷問陛下安在有美人出指之校尉令狐行達拔刀直進帝映窻扉謂行達曰汝欲殺我耶對曰臣不敢但欲奉陛下西還耳因扶帝下閤虔通本帝爲晉王時親信左右也帝見之謂曰卿非我故人乎

何恨而反對曰臣不敢反但將士思歸欲奉陛下還京師耳帝曰朕方欲歸正爲上江米船未至今與汝歸耳
虔通因勒兵守之至旦孟秉以甲騎迎化及化及戰粟不能言人有來謁之者但俛首據鞍稱罪過化及至城門德戡迎謁引入朝堂號爲丞相裴虔通謂帝曰百官悉在朝堂陛下須親出慰勞進其從騎逼帝乘之帝嫌其鞍勒弊更易新者乃乘之虔通執轡挾刀出宮門賊徒喜譟動地化及揚言曰何用持此物出亟還與手帝問世基何在賊黨馬文舉曰已梟首矣於是引帝還至寢殿虔通德戡等拔白刃侍立帝歎曰我何罪至此文

舉曰陛下違棄宗廟巡遊不息外勤征討內極奢淫使
丁壯盡於矢刃女弱填於溝壑四民喪業盜賊蠡起專
任佞諛飾非拒諫何謂無罪帝曰我實負百姓至於爾
輩榮祿兼極何乃如是今日之事孰爲首邪德戡曰溥
天同怨何止一人化及又使封德彝數帝罪帝曰卿乃
士人何爲亦爾德彝赧然而退帝愛子趙王杲年十二
在帝側號慟不已虔通斬之血濺御服賊欲弑帝帝曰
天子死自有法何得加以鋒刃取鴆酒來文舉等不許
使令狐行達頓帝令坐帝自解練巾授行達縊殺之初
帝自知必及於難常以鬻貯毒藥自隨謂所幸諸姬曰

若賊至汝曹當先飲之然後我飲及亂顧索藥左右皆
逃散竟不能得蕭后與宮人撤漆牀板爲小棺與趙王
杲同殯於西院流珠堂帝每巡幸常以蜀王秀自隨囚
於饒果營化及弑帝欲奉秀立之眾議不可乃殺秀及
其七男又殺齊王暕及其二子並燕王倓隋氏宗室外
戚無少長皆死惟秦王浩素與智及往來且以計全之
齊王暕素失愛於帝恒相猜忌帝聞亂顧蕭后曰得非
阿孩耶化及使人就第誅暕暕謂帝使收之曰詔使且
緩兒兒不負國家賊曳至街中斬之暕竟不知殺者爲
誰父子至死不相明又殺內史侍郎虞世基御史大夫

裴蘊左翊衛大將軍來護兒秘書監袁充右翊衛將軍
宇文協十牛宇文鼎梁公蕭鉅等及其子鉅琮之弟子
也難將作江陽長張惠紹馳告裴蘊與惠紹謀矯詔發
郭下兵收化及等扣門援帝議定遣告虞世基世基疑
告反者不實抑而不許須臾難作蘊歎曰謀及播郎竟
誤人事虞世基宗人伋謂世基子符璽郎熙曰事勢已
然吾將濟卿南度同死何益熙曰棄父背君求生何地
感尊之懷自此決矣世基弟世南抱世基號泣請代化
及不許黃門侍郎裴矩知必將有亂雖厮役皆厚遇之
又建策爲驍果娶婦及亂作賊皆曰非裴黃門之罪旣

而化及至矩迎拜馬首故得免化及以蘇威不預朝政亦免之威名位素重往參化及化及集眾而見之曲加殊禮百官悉詣朝堂賀給事郎許善心獨不至許宏仁馳告之曰天子已崩宇文將軍攝政闔朝文武咸集天道人事自有代終何預於叔而低徊若此善心怒不肯行宏仁反走上馬泣而去化及遣人就家擒至朝堂旣而釋之善心不舞蹈而出化及怒曰此人大負氣復命擒還殺之其母范氏年九十二撫柩不哭曰能死國難吾有子矣因卧不食十餘日而卒

資治通鑑一百八十五

宇文文化及以左武衛將軍陳稜爲江都太守綜領留事

壬申令內外戒嚴云欲還長安皇后六宮皆依舊式爲御營營前別立帳化及視事其中仗衛部伍皆擬乘輿奪江都人舟楫取彭城水路西歸以折衝郎將沈光驍勇使將給使營於禁內行至顯福宮虎賁郎將麥孟才虎牙郎錢傑與光謀曰吾儕受先帝厚恩今俛首事讐受其驅帥何面目視息世間哉吾必欲殺之死無所恨光泣曰是所望於將軍也孟才乃糾合恩舊帥所將數千人期以晨起將發時襲化及語洩化及夜與腹心走出營外留人告司馬德懃等使討之光聞營內諠知事覺卽襲化及營空無所獲值內史侍郎元敏數而斬之

德戡引兵入圍之殺光其麾下數百人皆鬪死一無降者孟才亦死孟才鐵杖之子也

同上

八月墮江都太守陳稜求得煬帝之柩取宇文文化及所留輦輅鼓吹粗備天子儀衛改葬於江都宮西吳公臺下其王公以下皆列瘞於帝塋之側

同上八十六

后妃傳煬帝愍皇后蕭氏梁明帝歸之女也江南風俗二月生子者不舉后以二月生由是季父岌收養之未幾岌夫妻俱死轉養舅張軻家軻甚貧窶后躬親勞苦煬帝爲晉王文帝爲選妃於梁卜諸女皆不吉歸乃迎后於舅氏令使者占之曰吉遂冊爲妃及宇文文化及之

亂隨軍至聊城化及敗沒於竇建德建德妻曹氏妒悍
煬帝妃嬪美人並使出家并后置於武強縣是時突厥
處羅可汗方盛其可賀敦卽隋義城公主也遣使迎后
建德不敢留遂攜其孫正道及諸女入於虜廷大唐貞
觀四年破突厥皆以禮致之歸於京師賜宅於興道里
二十一年殂詔以皇后禮於揚州合葬於煬帝陵謚曰

愍

北史
十四

蘇威傳威從幸江都宮帝將復用威裴蘊虞世基奏言
昏耄羸疾帝乃止宇文化及之弒逆也以威爲光祿大

夫開府儀同三司

隋書四
十一

韋藝傳藝弟冲字世冲隋文帝踐阼徵兼散騎常侍進位開府賜爵安固縣侯後令冲檢校括州事時東陽賊帥陶子定吳州賊帥羅慧方並聚眾爲亂冲率兵破之

北史六十四

蔡景王整傳整隋文帝之次弟也子智積從駕江都寢疾帝時踈薄骨肉智積每不自安及遇患不呼醫臨終謂所親曰吾今日始知得保首領沒於地矣

同上七十一

滕穆王瓚傳子誅字宏籀前亦徙零陵帝以其修謹襲封滕王以奉穆王嗣大業末於江都爲宇文化及所害

隋書四十四

郭衍傳衍字彥文少驍武善騎射從晉王廣出鎮揚州

遇江表構逆命衍爲總管先屯京口於貴洲南

北史作
貢州南

與賊戰敗之帝幸江都令統左軍改授光祿大夫衍能

揣上意阿諛順旨帝每謂人曰惟有郭衍心與朕同初

新令行衍封爵從例除六年以恩倖封眞定侯七年從

往江都卒贈左衛大將軍

同上六
十一

李雄傳從幸江都帝以仗衛不整顧雄部伍之雄立指

揮六軍肅然帝大悅曰公眞武侯才也尋轉右候衛大

將軍復坐事除名

北史七
十四

陳稜傳稜字長威廬江襄安人也大業三年拜武賁郎

將楊元感反稜擊平黎陽斬元感所署刺吏元務本尋
奉詔於江南營戰艦至彭城賊帥孟讓據都梁宮阻淮
爲固稜潛於下流而濟至江都襲破讓以功進位光祿
大夫賜爵信安侯後帝幸江都宮俄而李子通據海陵
左才相掠淮北杜伏威屯六合帝遣稜擊之往見尅捷
超拜右禦衛將軍俄而帝以弒崩字文化及引軍北上
召稜守江都稜集眾編素爲煬帝發喪備儀衛改葬於
吳公臺下衰杖送喪慟感行路論者深義之稜後爲李
子通所陷奔杜伏威伏威忌而害之同上七
十八

趙才傳才字孝才張掖酒泉人也少驍武便弓馬性麤

悍無威儀隋文帝受禪以軍功至上儀同後配事晉王
爲右虞候率煬帝卽位轉左備身驃騎右驍衛將軍帝
將幸江都才見四海土崩諫請還京師安兆庶帝大怒
以才屬吏旬日乃出之遂幸江都待遇逾昵時江都糧
盡內史侍郎虞世基秘書監袁充等多勸帝幸丹陽才
極陳入京策世基極言度江便帝無言才與世基相忿
而出字文化及殺逆之際才時在苑北化及遣驍果席
德方執之謂曰今日之事祇得如此才默然不對化及
忿才無言將殺之三日乃釋以本官從事鬱鬱不得志
行止聊城俄而化及爲竇建德所破才復見虜心彌不

平數日而卒

同上

宇文述傳述字伯通代郡武川人也少驍銳便弓馬周武帝時以父軍功起家拜開府開皇初拜右衛大將軍平陳之役復以行軍總管率眾三萬自六合而濟時韓擒虎賀若弼兩軍趣丹陽述進據石頭以爲聲援陳主旣擒而蕭巘蕭巖據東吳之地述領行軍總管落叢公燕榮以舟師自海至亦受述節度於是吳會悉平以功拜一子開府賜物二千段拜安州總管時晉王廣鎮揚州甚善於述奏爲壽州總管帝至江都宮敕述與蘇威常典選舉參預朝政述時貴重委任與威等其親愛則

過之文武百寮莫敢違忤楊元感作亂帝召述馳驛討元感時元感逼東都聞述軍至懼而西遁突厥之圍雁門帝懼述請潰圍而出樊子蓋固諫帝乃止及圍解車駕次太原議者多勸帝還京師帝有難色述因奏曰從官妻子多在東都便道向洛陽自潼關而入可也帝從之是歲至東都述又觀望帝意勸幸江都帝大悅述於江都遇疾中使相望遂遣司官魏氏問述曰必有不諱欲何所言述二子化及智及時並得罪於家述因奏曰化及臣之長子早預藩邸願陛下哀憐之帝聞泫然曰吾不忘也及薨帝爲之廢朝贈司徒尚書令十郡太守

班劍四十人輜輶車前後部鼓吹謚曰恭

隋書六十一

司馬德戡傳開皇中爲侍官漸遷至大都督大業二年爲鷹揚郎將從討遼左進位正議大夫遷武賁郎將煬帝甚昵之從至江都領左右備身驍果萬人營於城內因隋末大亂乃率驍果謀反旣獲煬帝與其黨孟秉等推化及爲丞相化及首封德戡爲溫國公邑三千戶加光祿大夫仍統本兵化及意甚忌之後數日化及署諸將分配士卒乃以德戡爲禮部尙書外示美遷實奪其兵也由是積怨所獲賞物皆賂於智及智及爲之言行至徐州令德戡將後軍乃與趙行樞李本尹正卿宇文

導師等謀襲化及許宏仁張愷知之以告化及因遣弟
士及執之並其黨與送至幕下縊而殺之

同上八
十五

虞世基傳世基字懋世會稽餘姚人也幼恬靜喜愠不
形於色博學有高才兼善草隸仕陳累遷尚書左丞及
陳滅入隋爲通直郎直內史省未幾拜內史舍人俄遷
內史侍郎帝幸江都遣太僕卿楊義臣捕盜河北降賊
數十萬列狀上聞帝歎曰我初不聞賊頓如此義臣列
降賊何多也世基曰鼠竊雖多未足爲慮義臣尅之擁
兵不少久在闕外此最非宜帝曰卿言是也遽追義臣
放其兵散又越王侗遣太常丞元善達間行賊中詣江

都奏事稱李密有眾數萬圍逼京都賊據洛口倉城內
無食若陛下速還烏合必散不然者東都決沒因獻欬
嗚咽帝爲改容世基見帝色憂進曰越王年小此輩誑
之若如所言善達何緣得至帝勃然怒曰善達小人敢
廷辱我因使經賊中向東陽催運善達遂爲羣盜所殺
此後外人杜口莫敢以賊聞奏世基氣貌沈審言多合
意是以特見親愛朝臣無與爲比其繼室孫氏性驕淫
世基惑之恣意奢靡彫飾器服無復素士之風孫復攜
前夫子夏侯儼入世基舍而頑鄙無賴爲其聚斂鬻官
賣獄賄賂公行其門如市金寶盈積其弟世南素國士

而清貧不立未曾有所贍由是爲論者所譏朝野咸共疾怨宇文化及之弑逆也世基乃見害

北史八十三

柳晉傳晉字願言河東人也少聰敏解屬文好讀書所覽將萬卷仕梁釋褐著作佐郎仁壽初引爲東宮學士加通直散騎常侍檢校洗馬甚見優待煬帝嗣位拜秘書監封漢南縣公帝退朝後便命入閣言宴諷讀終日而罷帝每與嬪后對酒時逢興會輒遣命之至與同榻共席恩若友朋帝猶恨不能夜召於是命匠刻木偶人施機關能坐起拜伏以像晉帝每在月下對酒輒令官人置於座相酬酢而爲歡笑從幸揚州卒帝傷惜者久

之隋書五
十八

盧楚傳楚涿郡范陽人也少有才學鯁急口吃言語澁
難大業中爲尙書右司郎當朝正色甚爲公卿所憚及
帝幸江都東都官僚多不奉法楚每存糾舉無所迴避

同上七
十一

蕭琮傳琮子鉉襄城通守復以琮弟子鉅爲梁公鉅小
名藏煬帝甚昵之以爲千牛與宇文暉出入宮掖伺察
內外帝每有遊宴鉅未嘗不從焉遂於宮中多行淫穢
江都之變爲宇文化及所殺

同上七
十九

隋郎茂碑隋書列傳言茂卒於京師此碑云從幸江都

而卒史氏之繆當以碑爲正

歐陽修集
古錄五

按煬帝幸江都隨從諸臣旣非宦績又非流寓無類
可歸然蘇威等傳與煬帝江都時事相爲表裏今附
於隋朝事志之後以備參考